

INUIT ATAQATIGIIT

Inatsisartuni



14.11 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

1. **Qaanaami Nunaqarfiinilu puisit amiinik tunitsiviit tunisiffissaajunnaartarnerat iliuseqarfiginiarneqarpa?**
2. **Puisit amiisa tunisaanerat ukiuni arlaqalersuni ajornartorsiutaanerat naalakkersuinikkut iliuseqarfigineqassava?**
3. **Qaanaami nunaqarfiinilu puisit amiisa tuninerani nalikillinikuunerat misissuiffigineqarnissaa pilersaarutaava?**
4. **Tunitsiveqarniarnikkut ajornartoorneq ukiut tamaasa atugaalersimasoq aaqqiissuteqartoqarnissaanik anguniagaqartoqarpa?**
 - a. **Apeqquq aappiuppat; suut anguniarneqarpat?**
 - b. **Apeqquq naamiuppat; tamanna sumit tunngeqarpa?**

(Inatsisartuni ilaasortaq Mikivisuk Thomassen, Inuit Ataqatigiit)

Tunggavilersuut:

Massakkut inissisimaneq tunggavigalugu Avannersuarmi tunitsivissaqartoqanngilaq. Aammattaarlu tigooraasinnaanermut aaqqiissutaasimasut naleqqutinnatik. Tunitsivieqarnikkut ajornartoortoqartarnera ukiut tamaasa ajornartorsiutaasarmat aaqqiiffigineqarnissaa kissaatigaara. Piniartutut inuussutissarsiuteqartut tunitsivissaaqartuartariaqarnerat qulakkeerneqartariaqarpoq, ingammik inoqarfinni annerusumik piniartutut inuussutissarsiorfiusuni.

Qaanaami ukiarsalernerani sila atoruminaassinnaasarpoq, aalisarnej aallartinngikkaagat piniartutut inuussutissarsiuteqartut aningaasarsiorfissaaleqilersarput. Ukiut tamaasa periarfissaasa killilerneqartuarnerisigut ilaqutariinnut pilersuinerat kalluarneqartarpoq, tamanna aaqinneqaaqqullugu naalakkersuinikkut anguniakkanik ujartuivunga.

Apeqquqtit ullut suliffiusut qulit qaangiutsinnagit akineqarsimanissaat kissaatigaara.